

Violentia vel benevolentia vincuntur maleficæ
Cap. 7.

Cur circa serpentes magis vis maleficorum versetur?

In serpentibus magis ostenditur virtus maleficorum, ut dicitur, quam in aliis animalibus, quia per serpentem Diabolus tanquam per suum instrumentum mulierem tentavit. par. p. quæst. 7.

Quomodo malefica animalia interimant?

Super modum autem quo animalia & jumenta maleficæ interimunt, dicere oportet, quod sicut homines, ita & jumenta vel tactu & visu, vel visu tantum, vel ubi subter limen ostii ipsius stabuli, vel ubi solent ad æquari maleficium aliquod seu instrumentum maleficii reponunt.

Sic enim & istæ in Ravensburg incineratæ semper ad instantiam Damonum ubi meliores equi, aut pingviora erant jumenta maleficare habebant. Et dum interrogatæ fuissent, per quem modum talia efficerent? Respondit una nomine Agnes, quod subter limen ostii ipsius stabuli certas res occultarent. Et interrogatæ cujusmodi res: Respondit: Diversarum specierum animalium ossa. Et ulterius in cujus nomine hoc facerent, interrogata respondit in nomine Diaboli & omnium aliorum Diabolorum. Sed & altera nomine Anna, quæ dum uni ex civibus, successione viginti tres equos maleficiasset, quia vector erat. Ultimam dum vice simum quartum emisisset & ad jam extremam paupertatem devenisset, vector stans in ostio stabuli, dixit ad maleficiam, quæ in ostio suæ domus stabat: Ecce jam emi equum, promitto

Q₃

Deo